



ქალაქ თბილისის  
მუნიციპალიტეტის საკრებულო  
TBILISI CITY MUNICIPAL ASSEMBLY

თბილისი 0114, თავისუფლების მოედანი 2, ტელ: +995 (32) 2 15 92 92; www.sakrebulo.ge  
FREEDOM SQUARE 2, 0114 TBILISI, GEORGIA; TEL: +995(32) 2 15 92 92; www.sakrebulo.ge

№ 04/1319, 04/1497,  
04/1498

“ 27 ” იანვარი 2015 წ.

ქ. თბილისის მუნიციპალიტეტის მერს  
ბატონ დავით ნარმანიას

ბატონო დავით,

გაცნობებთ, რომ ქ.თბილისის მუნიციპალიტეტის საკრებულომ განიხილა თქვენი 2015 წლის 23 იანვრის N05-1/15023124 (ქ.თბილისის მუნიციპალიტეტის საკრებულოში რეგისტრაციის თარიღი და ნომერი: 23 იანვარი, N04/1319), 2015 წლის 26 იანვრის N06/15026809-44 (ქ.თბილისის მუნიციპალიტეტის საკრებულოში რეგისტრაციის თარიღი და ნომერი: 26 იანვარი, N04/1497) და N05-1/150261470 (ქ.თბილისის მუნიციპალიტეტის საკრებულოში რეგისტრაციის თარიღი და ნომერი: 26 იანვარი, N04/1498) წერილები.


„სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ბ“ ქვეპუნქტის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-3 მუხლის მე-2 პუნქტის „ბ“ ქვეპუნქტის შესაბამისად, გაძლევთ წერილობით თანხმობას ქვემოთ ჩამოთვლილ საკითხებზე გამარტივებული შესყიდვის განხორციელების თაობაზე:

1. ქ.თბილისის მუნიციპალიტეტის მერიის გლდანის რაიონის გამგეობას მიეცეს წერილობითი თანხმობა გლდანის რაიონის ტერიტორიაზე 2015 წლის თებერვლის თვის უფასო კვებით (უფასო სასადილოებით) მომსახურების სახელმწიფო შესყიდვა განახორციელოს გამარტივებული შესყიდვის საშუალებით;
2. ქ.თბილისის მუნიციპალიტეტის მერიის კრწანისის რაიონის გამგეობას მიეცეს წერილობითი თანხმობა სულთნიშვილის ქ.N2-ში მდებარე საცხოვრებელ სახლზე საყრდენი კედლის დამჭერი კონსტრუქციების მოწყობის მიზნით სამუშაოების სახელმწიფო შესყიდვა განახორციელოს გამარტივებული შესყიდვის გზით, რომლის სავარაუდო ღირებულებაც 6954.53 ლარი;
3. ქ.თბილისის მუნიციპალიტეტის მერიის სამგორის რაიონის გამგეობას მიეცეს წერილობითი თანხმობა სამგორის რაიონის ტერიტორიაზე 2015 წლის თებერვლის თვის უფასო კვებით (უფასო სასადილოებით) მომსახურების სახელმწიფო შესყიდვა განახორციელოს გამარტივებული შესყიდვის საშუალებით.

საკრებულოს თავმჯდომარე

*ქ. ჩინიჭავჭავაძე*

გიორგი ალიბეგაშვილი





# ქალაქ თბილისის მუნიციპალიტეტის მერია



## გლდანის რაიონის გამგეობა



2714985  
10-21/15022355  
22.01.2015

თბილისის მუნიციპალიტეტის მერია  
გიორგი სოლომონია

ბატონო გიორგი,

მაქვს პატივი მოგესალმეთ, გამოვხატავ თქვენდამი პატივისცემას და გაცნობებთ: ვინაიდან „უფასო სასადილოებით“ მომსახურების მიზნით გამოცხადებული ელექტრონული ტენდერის (SPA140027808) პროცედურები შეჩერებულია სახელმწიფო შესყიდვების სააგენტოს დავების საბჭოს მიერ, რადგან ტენდერში მონაწილე ერთ-ერთი პრეტენდენტის შპს „G.M.M.“-ის მიერ გასაჩივრებულია მისი ტენდერიდან დისკვალიფიკაცია და სავარაუდოდ სატენდერო პროცედურები გადავა 2015 წლის თებერვლის თვეში, მომსახურების უწყვეტობის შენარჩუნების მიზნით მიზანშეწონილად მიგვაჩნია სატენდერო დოკუმენტაციით განსაზღვრული საქმიანობა (უფასო სასადილოს მომსახურება) დაიწყო 2015 წლის 1 მარტიდან.

ზ/ აღნიშნულ გარემოებას ვაფასებთ, როგორც გადაუდებელ აუცილებლობას და გთხოვთ დაგვრთოთ ნება სახელმწიფო შესყიდვების შესახებ საქართველოს კანონის 10<sup>1</sup> მუხლის, მე-3 პუნქტის „ბ“ ქვეპუნქტის შესაბამისად მოგვეცეს საშუალება 2015 წლის თებერვლის თვეში „უფასო სასადილოებით“ მომსახურების შესყიდვა განვახორციელოთ გამარტივებული შესყიდვის საშუალებით.

პატივისცემით,  
თბილისის მუნიციპალიტეტის მერია / გლდანის  
რაიონის გამგეობა  
ქალაქ თბილისის რაიონის გამგებელი

 გიორგი სოლომონია



# ქალაქ თბილისის მუნიციპალიტეტის

## გლდანის რაიონის გამგებობა



№ 06-21/150331059  
2.02.15.

სახელმწიფო შესყიდვების სააგენტოს თავმჯდომარეს  
ბატონ ლევან რაზმაძეს

ქ. თბილისი, რიჩარდ ჰოლბრუქის ქ. №8  
ს/კ 204428510

ბატონო ლევან,

„სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „ბ“ ქვეპუნქტისა და „სახელმწიფო შესყიდვების განხორციელების წესის შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-3 მუხლის მეორე პუნქტის „ბ“ ქვეპუნქტის მოთხოვნათა შესაბამისად გაცნობებთ, რომ გლდანის რაიონში მცხოვრები სოციალურად დაუცველი მოსახლეობის უფასო სასადილოებით მომსახურების უწყვეტობის შენარჩუნების მიზნით, გადაუდებელი აუცილებლობიდან გამომდინარე (ვინაიდან არ დასრულებულა სატენდერო პროცედურები - SPA140027808) ქ. თბილისის მუნიციპალიტეტის საკრებულოს 2015 წლის 27 იანვრის №04/1319, 04/1497, 04/1498 წერილით გლდანის რაიონის გამგებობამ მიიღო თანხმობა, აღნიშნული მომსახურების შესყიდვა 2015 წლის თებერვლის თვეში განახორციელოს გამარტივებული შესყიდვის საშუალებით.

დანართი: ქ. თბილისის მუნიციპალიტეტის საკრებულოს 2015 წლის 27 იანვრის №04/1319, 04/1497, 04/1498 წერილის ასლი – 1 ფურცელი.

პატივისცემით,

გამგებელი

ბ. ქვრივაძე